

Vanuatu Women's Centre



Ofisol Niusleta blong Vanuatu Women's Centre

VWC HEMI RISIVIM WAN DONESEN



Vanuatu Women's Centre hemi talem bigfala tankio mo hemi glad blong risivim wan donation we hemi kasem 4,732,224 Vatu i kam long Victoria mo Frederick Maclean. Victoria hemi bin witnessem olsem wanem ol woman Vanuatu oli stap fesem Domestik Vaelens mo olsem wanem Domestik Vaelens hemi affectem work blong olgeta. Victoria hemi bin storian wetem Vanuatu Women's Centre samfala yia i pass long tingting blong mekem wan fundraising effort blong helpem Vanuatu Women's Centre long ol wok we ofis istap mekem. Vanuatu Women's Centre hemi wantem talem bigfala tankio tu long yu we yu bin contribute long ol fundraising effort blong Victoria.

Vanuatu Women's Centre hemi wok wetem plante agencies blong mekem sua se ol woman mo ol gel oli gat akses lo sef mo gudfala sevis blong preventem mo stopem Vaelens long ol woman mo ol pikinini.

Vanuatu Women's Centre hemi luksave longtaem sapot we gavman blong Ostreilia i kivim; blong stopem Vaelens Agensem ol Woman mo ol pikinini, ikivim we Gavman blong Ostreilia mo Gavman blong Niu Zilan i sapotem, mo tu sapot we Oxfam i kivim.



SCC: NASONAL DEI BLONG OL WOMAN



Evri Yia VWC hemi stap selebratem Nasonal Dei blong ol woman long evri 15 Mei we hemi wan taem we yumi luksave mo tingbaot ol woman long defren komuniti long ples we oli stap liv mo wok blong mekem wan difrens long laef blong olgeta mo pipol thru long ol defdefren eria long wok blong olgeta.

Long namba 15 Mei 2024, Sanma Counselling Centre (SCC) ibin selebratem nasonel dei blong ol Woman long Solway Komuniti eria long Luganville, Santo. SCC hemi tokbaot impotens blong ol woman long hom long issue blong Financial (Mane) hemia ol fasin we wan i yusum mane blong spoelem laef blong nara pesen we hemia financial vaelens, mo oli tokbaot sevis blong VWC we oli stap provaedem. Theme blong dei ia hemi: Mani hemi pawa mo yumi mas protektem blong hemi helpem famili". Long taem ia ikat olgeta long Polis, wan komuniti lida mo presetatif blong ol mama. VWC ibin setemap wan booth blong infomesen long ol sevis blong VWC.



NIUS EDITION

Halo mo welkam long yu we istap ridim niusleta issue 11 long ol wok blong vaelens agensem ol woman mo pikinini thru long Vanuatu. Fulap wok oli bin karemaot long ol plan we VWC ibin statem long januare 2024 ikam, mo oli kontinu blong tekem sevis blong VWC espeseli long saed blong Kaonselling mo referem ol woman mo ol gel long taem blong rabis fasin blong vaelens we oli stap fesem mo tu ikat olgeta training mo wokshop oli bin tekem ples long pass manis ikam.

VWC stap selebratem spesel dei blong intanasonal dei blong ol woman long namba 8 Maj mo long namba 15 Mei long nasonal dei blong ol woman. Senta hemi bin tekpat wetem ol Vanuatu Police Force long wan Volleyball Kompetisen, VWC ibin ranem ol trening wetem ol Jif Lida, oat rij long ol ples we ol woman oli nosave aksesem ol sevis blong VWC. Senta hemi risivim ol donasen long patna blong hem long Vanuatu Peace Corps mo wan couple we liv lo ples ia. ol impoten taem blong tokbaot ol issues blong ol woman mo ol gel oli stap fesem mo developmen blong ol woman long kantri. olgeta woman oli pat blong development blong yumi.

VWC iwantem mekem tok tankio iko long ol wokman, ol polis, ol Man lida (Male Advoket) we oli stap wok wetem ol branj, ol KAWAW (rural volentia) mo patna blong VWC we oli kivim bigfala sapot long ol wok we oli stap mekem long ol komuniti blong stopem ol rabis fasin blong vaelens we istap gohet long ol woman mo ol pikinini.

INTANASONAL DEI BLONG OL WOMAN

Evri Yia Vanuatu Women's Centre mo ofis branj istap selebratem Intanasonal dei blong ol woman long namba 8 Maj, long ol defdefren eria long Vanuatu. Hemi wan taem we oli lukim impotens blong ol developmen blong olgeta wok blong ol woman insaed long kantri mo lo wol.

"YUMI TUGETA" hemi toktok we VWC hemi lukim blong yumi wok tugeta blong stopem ol rabis fasin we istap ko agensem ol woman, ol gel mo ol pikinini.

VWC hemi kontinu blong tokaot long saed blong Human Raets mo rabis fasin we ol woman mo ol gel oli stap fesem domestik vaelens.

Kontinu →



selebratem Intanasonal dei blong ol woman long Port Vila, Efate.

Long namba 8 Maj 2024, VWC ibin selebratem Intanasonal Women's Dei long ol ajivmens blong olgeta woman ia hemi Annolyn Lulu we hemi wan Table Tennis Professional mo Zumba Instructor; Velenie Jacob hemi wan entrepreneur long Financial Literacy long Vanuatu Business coach mo wan trainer; mo Gail Tamakam, hemi wan Trainer long Carpentry lo APTC. Oli bin serem ol experience blong olgeta wetem Yangfala gel long Vanuatu Youth Challenge, APTC mo 2 staff blong Vanuatu Red Cross Society. Long taem ia ikat olgeta mama blong Malimali Toka association long New Caledonia tu oli kam selebratem dei ia wetem VWC long Melanesian Hotel-conference room.



Long 16, Oktoba 2024, Vanuatu Women's Centre Hemi bin joenem Over 50 participants We oli kamout long ol different Kavman Institution, ol Stakeholders mo ol Agent representative I attendem First ever SEASONAL EMPLOYMENT ACT REVIEW we ibin hapen long Warwick Le Lagoon long Port Vila.

International Labour Migration(ILO) together wetem Department of Labour and Employment Service Unit nao I hostem review meeting ia.

Seasonal Employment Act hemi bin establish long 2007 long ol early stage blong Seasonal Work Program mo long yia ia hemi tekem fes review blong hem.

YU HAREM NOGUD FROM OL RABIS FASIN WE ISTAP HAPEN LONG YU?



Vanuatu Women's Centre ikat ol **Kaonsela**, ko storean wetem olgeta o telefon mo toktok long **Fri Laen 161**



Ol helt senta, ikat ol **Nes** mo **Dokta**, hemi impoten blong toktok wetem ol kwiktaem, taem igat rabis fasin blong seks ikasem yu



Ol **polis** oli kivhan long yu, from sefti long laef blong yu mo pikinini. Yu no fraet, ripotem ol rabis fasin ya. Telefon long **22222** o **111 Fri Laen**



Vanuatu Women Centre ikat **Loea**, oli stap kivhan long yu. Toktok long ol long namba **25764**

(Ol toktok ia i kam long posta blong CARE wetem sapot blong Gavman blong Ostrelia)

NASONAL DEI BLONG OL WOMAN VANUATU



Long Tosdei namba 25, Eprel 2025; Vanuatu Women's Centre ibin joenem Peace Corps Vanuatu long Maumau school komuniti long Teouma Bush long wan Aweanes blong Seksuel Asolt. Long evri yia long manis Eprel, pipol raon long wol oli stap mekem aweanes abaot seksuel asolt.

Theme we peace corps Vanuatu hemi putum aot hemi: Yumi stanemap mo konektem ol komuniti.

VWC ibin tokbaot main sevis we hemi Kaonseling mo itokbaot defren fasin blong Seksuel Vaelens. VWC tokbaot impotens blong hao nao blong rekodem wan incident we istap hapen, from ol rekod ia isave helpen wan pesen sapos istap tingting blong tekem kes igo fowod long polis blong oli dealim kes blong hem. Ol rekod ia bae isave help plante long kes blong wan pesen long wanem we istap happen long hem.

Peace Corps Vanuatu invaeten Vanuatu Women's Centre wetem Shefa Child Desk, Depatmen blong ol Woman, Ministry of Justice we oli bin tokbaot ol issues we irelate long seksuel asolt long ol woman mo ol pikinini. Long taem ia ikat 40 pipol inkludem ol woman, ol man mo ol pikinini oli kam harem aweanes ia.



Long namba 25 Jun 2024, Tafea Counselling Centre ibin mekem Mobile Counselling mo Aweanes toktok long Ipai komuniti long West Tanna. Wan Police Ofisa blong Tafea Patrol tu I bin tek pat long aweanes toktok. Long taem ia oli tokbaot ol sevis blong senta long saed blong Kaonseling, ol nara sevis we VWC iprovaedem, ol defren issue blong Domestik Vaelens mo Famili Proteksen Loa. Namba blong pipol taem ia ikat 12 woman, 3 pikinini, mo 4 man we hemi inkludem 1 man wetem spesel nid.



Long 15 Mei 2024, Vanuatu Women's Centre hemi joenem Vanuatu Nasonal Council blong ol Woman (VNCW), Dipatmen blong ol woman, Port Vila City Council of Women wetem ol association blong ol mama long dei ia we oli mekem sale lo Flea Market long taem ia. Ikat ol toktok ikam long VNCW, VWC, DWA mo nara toktok ikam tu long ol mama abaotem ol impotens blong ol woman long ol developmen blong kantri.

VNCW hemi talemaot se yumi mas kat Uniti, Pis mo Prosperiti long hom, komuniti mo society blong yumi. VNCW hemi kat 44 yia aniversari long yia ia mo theme we oli putum aot hemi: "SEREM TINGTING BLONG MEKEM GUDFALA DESISEN BLONG EVRIWAN –YUMI NO LIVIM ENI WAN BIHAEN."



Long namba 16 mo 17 Mei 2024, Komuniti blong Abwatunbuliva ibin invaetem Penama Counselling Centre blong setemap wan booth long taem blong Silver jubilee blong Herenahala Primary School, long Not Pentikos mo sem taem opening blong wan niufala nakamal. Olgeta long Dipatmen blong Forestry, Jif Viraleo, mo representatif blong ol woman oli pat long 2 dei event ya. Ibin gat aweanes we olgeta long State Law Ofis i mekem about Atikel 17A mo 17B bifo ol pipol I vote long referendum long 29 Mei. Long las dei, plante ol skul pikinini oli tekem ol calender, stickers, ol niusleta mo ol brochure abaotem ol sevis mo wok we VWC istap mekem.

OL PIKININI 8 RUL BLONG MI BLONG FILIM SEF OLTAEM

OL PIKININI OLI SPESEL MO OLTAEM OLI HAPI MO MAS STAP SEF OLTAEM. SAPOS ENI WAN I TRAEM MEKEM SAMTING NOGUD LO YU, HEMI IMPOTEN BLONG YU TALEMAOT LO PESEN WE YU TRASTEM BLONG HEMI TALEM HU WE IMEKEM YU HAREM NOGUD BLONG HEMI STOP.



HEMIA OLTING WE YU SAVE MEKEM BLONG PROTEKTEM YU WAN.



1

BIFO MI KO LONG WAN PLES, MI MAS TOKTOK FASTAEM WETEM PAPA MO MAMA BLONG MI O PESEN WE I LUKAOTEM MI.MI TALEMAOT PLES WE MI KO, OLSEM WANEM BAE MI KO, HU IKO WETEM MI MO WANEM TAEM BAE MI KAM BAK.

2

MI ASKEM PAPA MO MAMA BLONG MI BIFO MI GO LONG WAN TRAK O GO WETEM WAN MAN, NOMATA PESEN WE MI SAVE.MI MAS TALEMAOT LONG PAPA MO MAMA O GUARDIAN BLONG MI BIFO MI JENISIM OL PLAN BLONG MI O KAREM ENI MANE O PRESEN.

3

TAEM MI WANDEM PLEPLEI AOTSAED O KO LONG WAN PLES, ISEF MOA BLONG KO WETEM WAN NARA PESEN.

4

MI SINGAOT "NO" SAPOS WAN MAN ITRAEM BLONG TAJEM MI O I MEKEM WAN FASIN LONG WEI WE BAE IMEKEM MI FRAET O MI NO WANDEM AFTA MI GO TALEMAOT LONG WAN BIGMAN O WOMAN WE MI TRASTEM, ABAOT WANEM WE I BIN HAPPEN LONG MI.

5

SAPOS WAN MAN I TAJEM MI LONG WAN PLES O FASIN WE MI NO LAEKEM O INO OREAT LONG TINGTING BLONG MI, BAE MI TALEMAOT. MI TALEMAOT, MI NO MAS HAETEM, FROM HEMI NO RONG BLONG MI.

6

MI TRASTEM OL FILING BLONG MI TAEM MI KAT WAN PROBLEM BLONG MI, MO MI TOKTOK LONG OL BIGFALA MAN O WOMAN ABAOT OL PROBLEM WE MI NO SAVE DEAL WETEM MI WAN. FULAP MAN/WOMAN OLI KEA LONG MI MO LISEN MO BILIVIM MI. IKAT FULAP PIPOL OLI STAP RAON LONG MI BLONG HELPEM MI.

7

TAEM MI WANDEM SE WAN I HELPEM MI, MI ASKEM OLGETA. IKAT FULAP TAEM BLONG MI ASKEM HELP. MI STAP ASKEM HELP YA GOGO MI SAVE KASEM WANEM MI NIDIM.

8

MI WAN SPESEL PESEN, MI WANDEM FIL SEF OLTAEM.

RUL BLONG MI OLSEM:

- JEKEM FASTAEM
- MEKEM OLTING OLSEM WAN GRUP
- LISIN LONG WANEM MI FILIM MO TOKTOK WETEM WAN MAN WE MI TRASTEM ABAOT PROBLEM MO HAREM NOGUD BLONG MI

